



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Prognosticon Aus Gottes Wort nötige Erinnerung/ Vnd
Christliche Busspredigt zu dieser letzten bösen Zeit An
hohe vnd nider Standes Deutsches Landes: Auff den
Cometen/ so von Martini des 1577. Jars/ ...**

Irenäus, Christoph

[Erscheinungsort nicht ermittelbar]

VD16 I 292

XV. Gott strafft auch die anstifter vnd verhetzer der Verfolger.

urn:nbn:de:hbz:466:1-36702

Könige Hanon / der im seine abgesandten Legaten vñ
bel gehalten / geschumpht vnd geschendet hat. Also
wenig kan Gott der Herr leiden vnd vngestraft lassen
hingehen / wenn man im seine Legaten / Gesandten vñ
Mundbotten / die Propheten / Apostel / vñ andere Pre-
diger vbel helt / Schendet / lestert / jaget / plaget / oder
noch wol gar tödtet. Vnd das er daran kein gefallen
treget / ist nicht allein klar vnd offenbar aus folgenden
Sprüchen / Als Psal: 104. Tastet meinen Gesalbten
nicht an / vnd thut meinen Propheten kein leyd. Item
Zach: 2. Wer euch antastet / der tastet meinen augen
Apffel an. Item Act. 7. Saul / Saul / was verfolgestu
mich / es wird dir schwer werden wider den stachel les-
cken / Sondern ist auch aus vielen Exempeln offenbar /
welche bezeugen / das Gott ernstlich vnd schrecklich die
Seinde vnd Verfolger rechtschaffener Prediger anges-
griessen vnd also gestraft / das sich ander billich daran
stossen / von irer verfolgung ablassen / Ir peccavi vnd
miserere mit rewigem Herzen in der zeit der Gnaden /
ehe das Gnaden stündlein auslieffe / singen vnd sagen
solten / auff das sie nicht / wo sie fort faren / inen nicht
sagen lassen / nicht busse thun / Auch nicht von dem pla-
gen vnd jagen richtiger Prediger ablassen / vnd jmer
im Finstern one Busse vnd Beterung hingehen / einmal
mit Schmerzen vnd Wehetagen erfahren / Wie inen im
32. Psalm gedrawet wird / das alle Grundfesten des
Landes fallen / vnd sie / die Verfolger / wie Menschen
sterben / vnd wie Tyrannen zu grund gehen.

XV.

Gott strafft auch die anstifter vnd verhetzer
der Verfolger.

Gott der Herr schonet vnd schenckt es auch nicht den
Anstiftern vnd Anreizern / so da Fürsten vnd Het-
ren / wi-

ren / wider beständige Lerer verhezen / sie weltlich mit
Lügen vnd falschem angeben zuschieren / das des Teu-
fels spiel mit verfolgung sein Recht gewinne / vnd die
armen Prediger sich leiden müssen. Als Achitophel der
Canzler vnd Rhat zu Hofe / welchen der Absalon vnd
das Volck wider David mit seinen giftigen pfeilen ver-
hetzt / vnd des rhat so viel galt / wenn er was sagt oder
rhetere / als hets einer von Himel gesagt / Der kriegt aus
Gottes gerechtem zorn vnd straffe seinen Lohn / Denn
wie er sihet / das jm sein Anschlag nicht allerding / wie
er verhoffte / einen fortgang gewinnen / gehet er hin vñ
erhenge sich selber / vnd vberhebet den Diebhencker sol-
cher mühe / 2. Samu. 17.

Simei der Lestersack / der dem verfolgten David in
seinem Elend schendlich vnd vbel fluchet / bekompt zu-
legt seinen verdienten lohn / vom König Salomon der
in tödten lest / im Buch der Könige am 2.

Haman der blutdürstige Hoffman / der dem Volcke
Gottes nicht gut war / vnd beym König Ahaspheros
wider die Jüden ein Blut edict ex practicirte oder aus-
bracht / vnd ein Blutbad stifften vnd anrichten wolte /
der mus an den Baum / dem er Mardocheo hat lassen
machen / vnd seine Seele nicht auff dem Bette / sondern
am Galgen mit schanden auffgeben / vnd jederman da-
zu spott hangen.

XVI.

Gott schonet auch nicht der Heuchler vnd
falschen Brüdern.

Wt sonderlich weis Gott sein zu seiner zeit zu fin-
den vnd mercklich zu straffen / die heuchel Prophe-
ten vnd falsche Brüderlein / welche sich bey der Ober-
keit zu lieben / vnd rechtschaffene Prediger helfen ver-
thaten / vnd auß irem Mittel verstoffen / das sie den
platz allein behalten.

Cc Dem